

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit

Si vendin la vie da l'Edicole e la dal Tabachin in Marciavien, in piansa Contarè e in Borg di S. Bartolomeo

REDAZION: su la fontane di piazze Contarè — AMINISTRAZION: su la fereade de Vigne

Par altri Florean al si lassará ciata, quand che covente, in Stamparie Jacob e Colmegno.

Tiradure 5,000 coplis.

Florean a l'Espasizion



(Il rest al prosim numar).

## Florean in Tribunal

Lunis il miò segretari al fo in Tribunal. Ce delitt vevjal fat lui, puar diaulat, par vè di sentasi sul banc dai acusaz? E disin che un sior, un piezz gruess, al si vedi ufindut, parcè che e fo stampade une letare di Codroip. Ma il miò segretari al declarà zà che lui nol sa nuje di nuje e che chell sior al ha fatt mal a clamafu lui a rispuindi. Puar Segretari!

Dugg i devin aduess. Il procurator dal Re al ha fate une lunge tiriterò tant che in un ciart pont il miò segretari al si stufa e al voleve che il Procurator nol les plui indenant. Il rappresentant la part civil ancc chell al ha fatte la so part, ma par altri al ha raccomandà al Tribunal di vè misericordie dal miò puar segretari. E l'avocat di-

fensor al si ha propit puartat ben, al ha fate une difese stupende, ma cun dutt chest il Tribunal nol ha volut savent, e al ha condanà il miò segretari. Par altri al ha ricorut in Apelle o sperì che a Vigniesie e sayaran calcolà lis resons di chel puar omp e no oclaran viodimal muart. Diambar! Ce sodisfazion hano di vè a condanà un che nol sa nuje di nuje? E chell piezz gruess al pò jessi propi content! Tant plui che Florean al veye zà ditt che lui in te letare di Codroip nol veye nissun ce fa! No i bastavial?

## Archivi di Florean

Par pratiche e savèa che par Florean al è dutt pussibil. Come che o hai podut vè tes zavatis la letare dal marit de Maghe, cussà mi è stat fazzilissin di procurami une copie de rispueste che jo stade dade a di che letare. Figuraisi! Florean al jentre in dugg i ufizis, in dugg i gabinets, par quant seccès e sedin. Ma par là pes curtis eco la letare:

*Ciar sior marit de Maghe,*

*Rome, al tang dal mès.*

Nol è nuje ce di. Je, ciar il miò ciar sior, e fevele come un libri stampat. Anzi jo o sol innamorat in tal so mud di scrivi e di pensà, e se mai i afars de so femine e vessin di là di mal in piès, che no orod, la siguri che jo la ciolarai in tal miò gabinèt, avind bisugne di un segretari che al scrivi letaris bielis come che che mi ha mandà.

Je e fevele benissin quanche dis che Florean nol dovareess entrà tai pezos dai altris e spezialmentri tai afars de so femine, di che brave femine che fàs tang miracul che chei di Santantonin in

confront e son fotis di nuje. Ma viodie, ciar il miò ciar sior; cumò e sin in tìmps di libertat, cumò si mett dutt in plaze a la lùs dal soreli, e cui che al ha la ciamese sporce, piès par lui.

O capis ançè jo che cheste libertat e je danose par cui che al voress fa i siei afars senze che nissun sepi ce afars che son è giavà il boton ai mamos a plaze dal gobo. Cheste e jè une robe che la capis benissin, ma, i torni a di, che al è un afar serio a sciarsi la boce a la stampe, massime quanche diis la verètat su la muse di dugg, senze riguards di sorte nè pai grang, ne, pai piz-zui, nè pai puars, nè pai siora.

Viodie, ançè jo, sott l'Austrie, o jeri usat in t'un'altrè maniere. In tal miò ufizi si faseve ce che si oleve. No i diis nuje da lis injustiziis. Se al jere un puar diaul, no si lu badave nance e se al si azzardave di di qualchi ciosse si lu fazeve parà fur dai purtirs, ançè a piis tal cul. Il sior po' al jere tratat cun dutt il rispiett e cun tang complimentz. Chell al veve simpri reson, massime quanche al yeve tuart. Ma, diambari, il sior al slungiave simpri qualchi croson o qualchi talar: jo, se nol jere nujaltri, o mi contentavi di ciapà la svanzighe e 'l quart di florin dal borghesan o dal contadin. A chesg par altri si diseve un montis di robis, si faseve un ciadaldiaul di promessis, ma par mantignint nance une. Volevie forsit che contentassin che intae là, ches canais di popolazz? Nance par idee! A noaltris nus bastave di meti in sacheta i carantane e se cui che ju veve dās e sberlavin si ju bastonave ben e no mal prime, e po dopo si ju meteve in preson e lì e dovevin sta fin che nus comodave a noaltris. Po folc, se jere cussì!

Ma cumò, ciar il miò ciar sior, si seugne tirà drett e filà caligo, se no la potente e jè in pericul. Duncè bisugne che la so femine si cujeti, che stei cui voi viars, di no lassasi ciapà in trapule da chei babios dal Florean. Che continui pur a fa il so mistir, che noaltris e fasin-fente di no savè nuje; ma prudenzie i ul, prudenzie un monte. Anzì i raccomandandi ançè a jè, ciar il miò ciar sior, di no sberlà tant di cà e di là, che nol stei plui a là in nissun lug, che al stei a ciase plui che al pò a judà la Maghe. Che i raccomandandi a la so massarie di no ciacará tant su la roe e su la fontane sui afars de so parone, parchè [che o sai che Florean al ven a savè dutt ce che a diis che stupide, senze ciav nè ziarvell.

Duncè se la Maghe, so marit (e la massarie e varan un contegno come che i insemi jo, e podaran là indenant abastanze ben. Un pòc a la

volte lis ciacaris si cujetin. Florean al si dismentee e al tās, e voaltris e tornais a ciapà pìd senze che nissun lu sepi. I ul savè dale a d'intindi in chest mond e un carantan di..... m.....amò nol sta mai mal.

Ma chell di obleà, come che voress je, uso bruto, Florean a tasè, ciar il miò ciar sior, o scugni dial franc e nett: *no si fās nuje!* Metilu po in preson, manco che manco: i hai pur dīt prime che no sin plui sott l'Austrie? Magari! Ma chei tìmps no vegnin plui! Pur tropp!

Infati lu saludi tant e tant; che mi saludi la Maghe e che mi stei ben.

Il Segretari.

## Leterature di Florean.

### Pro Mastie.

Al professor Mastie,  
al giornalista famos  
che dugg e cognossin  
bisbetich, presuntuos,  
senze... cavalarie,  
su la proposte... acetara...  
al usanze dai mazz;  
Florean dal Palazz  
decrete, in *motu proprio*,  
une dose di oppio  
par falu indurmidì.  
E, indurmidid cussì,  
il professor sudett  
sarà un flor d'intellet,  
di grazie e cortesie,  
e smentirà il non  
(di cui si ten in bon)  
di professor Mastie!

## Corispondenze di Florean.

Civitat, ai 3 di Setembar.

✓ In domenie jè stade la prime prove dai liberal par mètisi d'acordo sun d' une liste par i gnùvs Conseirs. Il concurs al fo discret, e, stand a chei di Ciàrarie, si spere ben.

★

Il pais al vùl fa viodi la so stime e venerazion a Bascòs par il bosch dal Romagn e par il mont di pietat nomenand Biscutin a Conseir Comunal.

★

Un scatin vignind fur di glesie di Munistir major al ciapà une zappade da un nobilat che, dal rimnars, nol saveva ce di. Il scatin, furbo come un muss a quais, al domandà scuse parchè che al jere lât sott.

★

La giatine nus conte une brute gnove. La cuarde jè curte pal pozz di Adorgnan !!!

★

In Ciàrarie domenie gran fieste: luminariis, bai, tratamens, dute une amizisie. Bra to al ciche. *E se ti te cichi mi me la godo.*

★

I nemis dal Ross e han fatt di dutt, e son riuscis a lassalu fur de liste dai Conseirs. Al par che il Ross si impipi, ma par altri al ha un bordo mostro.

San Denel, ai 2' di Setembar.

In presinze di un numeros uditori si ha assistud ai 30 d'avost a un dibatiment in Preture. E jerin els di lor di San Denel che volevin balà par fuarze senze permess. Clamas a rispuindi par un reat di rebellion par ve ofindut e minaziat a la sagre di Rodéan ju Curubinars di Feagne, al prozess parevin reos; ma ce ustu sinti? Si da la peraule al public ministeri e ches al scomenze e al finis la so orazion censurand il contegno dai Curubinars, (che come dugg dis al jere stat esemplar pe lor prudenze in seguit a lis minazis) fasind invece di difensor in mud tal di tajai la strade al zovin avocat che al vevè ciapade cuintri genio la difese par scomenzà la so cariere. In tal so discors l'avocat al ha podud nome ringraziàlu. Il public al è restat maraveat, tant plui che chel istess public ministeri, se si tratè di qualunque pizule contravenzion ai regolamens municipai di qualchi par diaul, al sosten l'aeuse in *virga ferrea*, e al dis che bisugne tigni alt il solit prestiggio de lezz.

Cu la sentenze pronunziade justamentri e son stas condanas dugg a 15, a 10, 8, 6, 4 e 2 dis di preson.

★

Uè si ha vidut su pes colonis un avis dal Sindich che al dis: « Par iniziative dal Munizipi » (sarà dal local dal Munizipi parchè che no jè stade sintude nè la Giunta, nè il Consei) « e di ben tros eletors » (e saran tre o quatri) « che han stabilit di dà un banchett ai Deputaz dal Colegio I. di Udin, invidand cussì dugg chei che no uelin dismenteasi di aborà cirche 14 francs salvo conguaglio dopo par lis spesia. »

Nissun sa il motiv di cheste visite, parchè che no si a sintnt a di nuje.

Sono clamàs cùli par gustà? o vegnino par rindi cont dal mandat che han ricevut? Ma nol è stat fatt al public nissun manifest. Cui sa che no vegnin par sinti la bande? o par fassi fa la cort da chei che uelin jessin uming grang par fuarze?

## Da la zae di Florean.

In ta che domenie che souviarzerin la statue del nestri bon re Vittorio, dutis lis buteghis e forin sciaradis e i zovins poderin là a viodi la fieste che si faseve. Sior si par altri che tre solis buteghis di panine e jerin viartis e par consequenze i zovins e doverin netasi la boca di là a la inaugurazion. Jo no diis il non di ches tre buteghis, e ance o sai che ognun a ciase so al è paron di fa ce che al ul. Ma par altri a mi mi par che in ta che gran zornade di fiestone par dugg i citadins si vares podut fa une eccezion a la regule e dai a chei puars zovins chell fregul di libertat infintenemai almanco che durave la funzion. E o orod che la pensi cussì dute la citat.

★ ★

Ance cheste no jè ciative. In d'une filande si comande a lis bigatis di là a viodi la Espusizion. Fin ca nol è nuje ce di, anzi ben fate, parchè che ance lis bigatis e han di viodi ce che il pais al dà di biell... e di brutt. Ma chell che nol è nuje afatt ben, al è di vei tignude la zornade a ches puars diàulis che struziin di une avemarie a laltre par mangià un boccon di polente.

Mi disin ance che a chestis bigatis i vevin minaziade une multe di doi francs se no levin a la Espusizion e lis han ance obleadis di là dutis insieme borghesanis e confadinis. E savès che jo no sol aristocratic, anzit nissun plui democratic di Florean, ma apont par chell miplas la libertat e che ognidun al fasi chell che al orod, quand che nol fàs baronadis. Parchè mo lis bigatis hano di jessi diferens dai altris citadins? Cheste no jè juste, saori de vanzei!

★ ★

Une di ches vistudis di mascare in Praclus al fàs viodi a spass cun un ufizialut. No mi displas e o vares propit voe di mangià prest i confess? Baste po che vegnin, parchè che se no il popul che al viod al podares di chel che nol è. E son tantis lengatle in ches mond!

★ ★



confront e son fotis di nuje. Ma viodie, cjar il miò cjar sior; cumò e sin in tims di libertat, cumò si mett dutt in plaze a la lùs dal soreli, e cui che al ha la ciamese sporce, piès par lui.

O capis ancè jo che cheste libertat e je danose par cui che al voress fa i siei afars senze che nissun sepi ce afars che son è giavà il boton ai mamos a plaze dal gobo. Cheste e jè une robe che la capis benissin, ma, i torni a di, che al è un afar serio a sciarsi la boce a la stampe, massime quanche diis la verètat su la musè di dugg, senze riguards di sorte nè pai grang, ne, pai piz-zui, nè pai puars, nè pai siora.

Viodie, ancè jo, sott l'Austrie, o jeri usat in t'un'altrè maniere. In tal miò ufizi si faseve ce che si oleve. No i diis nuje da lis injustiziis. Se al jere un puar diaul, no si lu badave nance e se al si azzardave di di qualchi ciosse si lu fazeve parà fur dai purtirs, anca a piis tal cul. Il sior po' al jere tratat cun dutt il rispiett e cun tang compliment. Chell al veve simpri reson, massime quanche al yeve tuart. Ma, diambari, il sior al slungiave simpri qualchi croson o qualchi talar: jo, se nol jere nujaltri, o mi contentavi di ciapà la svanzighe e 'l quart di florin dal borghesan o dal contadin. A chesg par altri si disave un montis di robis, si faseve un ciadaldiaul di promessis, ma par mantignint nance une. Volevie forsit che contentassin che intae là, ches canais di popolazz? Nance par idee! A noaltris nus bastave di meti in sacheta i carantane e se cui che ju veve dās e sberlavin si ju bastonave ben e no mal prime, e po dopo si ju meteve in preson e lì e dovevin sta fin che nus comodave a noaltris. Po folc, se jere cussì!

Ma cumò, cjar il miò cjar sior, si seugne tirà drett e filà caligo, se no la potente e jè in pericul. Duncè bisugne che la so femine si cujeti, che stei cui voi viars, di no lassasi ciapà in trapule da chei babios dal Florean. Che continui pur a fa il so mistir, che noaltris e fasin-fente di no savè nuje; ma prudenzie i ul, prudenzie un monte. Anzì i raccomandandi anca a jè, cjar il miò cjar sior, di no sberlà tant di cà e di là, che nol stei plui a là in nissun lug, che al stei a ciase plui che al pò a judà la Maghe. Che i raccomandandi a la so massarie di no ciacará tant su la roe e su la fontane sui afars de so parone, parchè [che o sai che Florean al ven a savè dutt ce che a diis che stupide, senze ciav nè ziarvell.

Duncè se la Maghe, so marit (e la massarie e varan un contegno come che i insemi jo, e podaran là indenant abastanze ben. Un pòc a la

volte lis ciacaris si cujetin. Florean al si dismentee e al tās, e voaltris e tornais a ciapà pìd senze che nissun lu sepi. I ul savè dale a d'intindi in chest mond e un carantan di..... m.....amò nol sta mai mal.

Ma chell di oblet, come che voress je, uso bruto, Florean a tasè, cjar il miò cjar sior, o scugni dial franc e nett: *no si fās nuje!* Metilu po in preson, manco che manco: i hai pur dīt prime che no sin plui sott l'Austrie? Magari! Ma chei tims no vegnin plui! Pur tropp!

Infati lu saludi tant e tant; che mi saludi la Maghe e che mi stei ben.

**Il Segretari.**

## Leterature di Florean.

### *Pro Mastie.*

Al professor Mastie,  
al giornalista famos  
che dugg e cognossin  
bisbetich, presuntuos,  
senze... cavalarie,  
su la proposte... acetara...  
al usanze dai mazz;  
Florean dal Palazz  
decrete, in *motu proprio*,  
une dose di oppio  
par falu indurmidì.  
E, indurmidid cussì,  
il professor sudett  
sarà un flor d'intellet,  
di grazie e cortesie,  
e smentirà il non  
(di cui si ten in bon)  
di professor Mastie!

## Corispondenze di Florean.

**Cividat, ai 3 di Setembar.**

✓ In domenie jè stade la prime prove dai liberal par mètisi d'acordo sun d' une liste par i gnûvs Conseirs. Il concurs al fo discret, e, stand a chei di Ciàrarie, si spere ben.

★

Il pais al vùl fa viodi la so stime e venerazion a Bascòs par il bosch dal Romagn e par il mont di pietat nomenand Biscutin a Conseir Comunal.

★